

DOMINGO 28 ORDINARIO CICLO B

PRIMEIRA Sab 7, 7-11

En nada considere as riquezas comparándoas coa sabedoría

PROCLAMACIÓN DA PALABRA RECOLLIDA NO LIBRO DA SABEDORÍA

Roguei e foime dada a prudencia,
supliquei e veu a min o espírito da Sabedoría.
Preferina a cetros e tronos,
en comparanza a ela, coidei ser nada a riqueza;
non se lle asemella a alfaia de máis prezo,
pois todo o ouro, ao seu lado, é unha manchea de area,
e xunto a ela a prata é coma a lama.
Ameina por riba da saúde e da beleza,
escollín posuíla en troques da luz,
pois o seu raiolar non ten solpor.
Con ela viñéronme xuntos todos os bens,
polas súas mans, riquezas incontables.

SALMO RESPONSORIAL Sal 89, 12-13. 14-15. 16-17

R/ (14): Danos, Señor a fartura da túa misericordia e saltaremos de alegría

Ensínanos a contar os nosos días,
para que aprendamos a ser asisados.
Volve, Señor. Por canto aínda?
Apiádate dos teus servos.

Dános axiña a fartura da túa misericordia,
para que a nosa vida teña felicidade e ledicia.
Alégranos polos días en que nos aflixiches,
por tantos anos de coitas.

Que se vexa a túa obra nos teus servos
e a túa gloria nos teus fillos.
Que a bondade do Señor, noso Deus, sexa connosco
e que el asegure as accións das nosas mans.

SEGUNDA Heb 4, 12-13

A palabra de Deus xulga pensamentos e intencións do corazón

PROCLAMACIÓN DA PALABRA RECOLLIDA NA CARTA ÓS HEBREOS

A palabra de Deus é viva e dinámica, máis cortante do que unha espada de dobre fío e que penetra mesmo alí onde se diferencian a alma e o espírito, as xuntas e a médula. Ela xulga os proxectos e os pensamentos. Non hai cousa que se lle esconda, todo está nu e penetrable aos seus ollos: é a ela a quen lle habemos de dar contas.

ALELUIA Mt 5, 3:

Ditosos os pobres de espírito porque deles é o reino dos ceos

DOMINGO 28 ORDINARIO CICLO B

EVANXEO Mc 10, 17-27 (breve)

Vende todo canto tes e sígueme

PROCLAMACIÓN DO SANTO EVANXEO SEGUNDO MARCOS

Daquela, no preciso momento en que Xesús se puña en camiño, chegou un a correr, que se axeonllou diante del e que lle preguntou:

- Mestre bo, que teño que facer para acadar a vida eterna?

Xesús contestoulle:

- E por que me chamas bo? Ninguén e bo, fóra de Deus. Xa sabes os mandamentos: Non mates, non cometas adulterio, non roubes, non deas falso testemuño, non defraudes, honra a teu pai e maila túa nai.

El respondeu:

- Mestre, todas esas cousas gardeinas desde a miña mocidade.

Entón Xesús pousou nel a súa ollada chea de cariño e engadiu:

- Aínda che falta unha cousa: vai, vende todo o que tes, e repárteo entre os pobres, e terás un tesouro no ceo; e despois ven e sígueme.

Ante estas palabras mudóuselle o rostro e marchou moi apesarado, pois tiña moitos bens.

Xesús mirando todo arredor, díxolles aos discípulos:

- ¡Que difícil lles vai ser aos ricos entrar no Reino de Deus!

E os discípulos ficaron moi sorprendidos por estas palabras. Pero Xesús volveu a insistir:

- Fillos, ¡que difícil é entrar no Reino de Deus! É máis doado para un camelo pasar polo ollo dunha agulla, do que para un rico entrar no Reino de Deus.

Eles, aínda moi asombrados, comentaban entre si:

- Entón, quen se vai poder salvar?

Xesús, mirando para eles fixamente, dixo:

- Si, para os homes é imposible, pero non para Deus; pois todo é posible para Deus.

DOMINGO 28 ORDINARIO CICLO B

EVANXEO Mc 10, 17-30 (longa)

Vende todo canto tes e sígueme

PROCLAMACIÓN DO SANTO EVANXEO SEGUNDO MARCOS

Daquela, no preciso momento en que Xesús se puña en camiño, chegou un a correr, que se axeonllou diante del e que lle preguntou:

- Mestre bo, que teño que facer para acadar a vida eterna?

Xesús contestoulle:

- E por que me chamas bo? Ninguén e bo, fóra de Deus. Xa sabes os mandamentos: Non mates, non cometas adulterio, non roubes, non deas falso testemuño, non defraudes, honra a teu pai e maila túa nai.

El respondeu:

- Mestre, todas esas cousas gardeinas desde a miña mocidade.

Entón Xesús pousou nel a súa ollada chea de cariño e engadiu:

- Aínda che falta unha cousa: vai, vende todo o que tes, e repárteo entre os pobres, e terás un tesouro no ceo; e despois ven e sígueme.

Ante estas palabras mudóuselle o rostro e marchou moi apesarado, pois tiña moitos bens.

Xesús mirando todo arredor, díxolles aos discípulos:

- ¡Que difícil lles vai ser aos ricos entrar no Reino de Deus!

E os discípulos ficaron moi sorprendidos por estas palabras. Pero Xesús volveu a insistir:

- Fillos, ¡que difícil é entrar no Reino de Deus! É máis doado para un camelo pasar polo ollo dunha agulla, do que para un rico entrar no Reino de Deus.

Eles, aínda moi asombrados, comentaban entre si:

- Entón, quen se vai poder salvar?

Xesús, mirando para eles fixamente, dixo:

- Si, para os homes é imposible, pero non para Deus; pois todo é posible para Deus.

Colle Pedro e di:

- Pois nós deixámolo todo, e seguímoste.

Dixo Xesús:

- Tende por seguro que non hai ninguén que deixe casa ou irmáns ou irmás ou nai ou pai, ou fillos ou leiras por cousa miña e polo Evanxeo, que pase sen recibir cen veces máis en casas, irmáns, irmás, nai, pai, fillos e leiras (aínda que con persecución) agora, e que no mundo futuro non reciba a vida eterna.